



KOMUNIKADO PA PRENSA

Fecha

3 di mart 2017

Promé ku drecha e kaya,

Obra Públiko ta investigá buraku grandi riba kaminda di Westpunt

Willemstad - E último áwaseru torensial ku Kòrsou a eksperensjá, a forma un buraku grandi riba kaminda di Westpunt nèt despues di e túnel di mata i palu di Asunshon. Segun e relato di Obra Públiko ta trata di un tapa di duiker ku a kibra i kai den e duiker. E insidente aki posiblemente a okashoná un daño na e duiker mes tambe. Esaki ta rekerí un investigashon mas profundo.

Otro siman Obra Públiko ta hasi un investigashon mas profundo pa despues laga drecha tur problema ku e insidente aki por a okashoná. Esaki sigur ta un di e motibunan pa kua no por drecha e buraku mesora. Un otro motibu ta ku no tin asfalt disponibel na fábrica di asfalt. Dor ku a hasi shutdown di Refineria Isla, no tin betumen pa por traha asfalt kuné. Betumen ta nesesario pa por traha asfalt.

Obra Públiko ke evitá ku tin ku sera e kaminda pa un temporada largu pa drecha loke mester drecha. Intenshon ta pa hasi e trabou mas lihé posibel, preferibel dentro di un dia pa asina kousa ménos molèster posibel pa e tráfiko ku ta hasi uso di e kaminda spesífiko ei. Esaki ta posibel solamente despues di un bon investigashon i planifikashon.

Mientrastantu a pone barínan oraño pa notifiká usadónan di e kaminda di e peliger. Ta bai pone bòrchi tambe pa avisá outomobilistanan na tempu pa baha velocidat. Ta pidi tur hende ku tin ku hasi uso di e kaminda di Westpunt pa paga bon tinu i tene kuenta ku e buraku aki.